

**Ethica Symbolica E Fabularum Umbris In Veritatis Lucem  
Varia Ervditione Noviter evoluta**

**Pexenfelder, Michael**

**Monachii, 1675**

Ethicè.

---

[urn:nbn:de:hbz:466:1-68709](#)

V.

Danaidum Dolium. Ex Virgil. &amp; Ovid.

## Ethicè.

1. Beneficia ingratis collata.
2. Iniqua iussa.
3. Avaritia inexplebilis.
4. Mulier scorpioni similis, quæ.

Danaus erat Rex Argivorum, Beli filius hic genuit filias quinquaginta, quæ ab avi nomine Belides, à patris autem, Danaides dictæ sunt. Horum igitur parens Danaus cùm simultatem, quæ iphi cum fratre Ægypto intercedebat, cuperet componere, satis aptam eius negotii conficiendi opportunitatem fore existimavit, si filias suas omnes daret in matrimonium totidem fratris sibi filiis. Facile convenit: celebrantur nuptiæ, sed infaustæ. Nam Danaus, vel quia memor acceptæ olim à fratre injuria (in Græciam ab eo pulsus profugerat) vel quia ex oraculo didicerat, ab uno generorum sibi mortem imminere, clam singulis filiarum dedit pugionem, monuitque, ut prima nuptiarum nocte, dormientes sponsos adortæ, jugularent. Dictum, factum. Quadraginta novem juvenes interficiuntur singuli à singulis uxoribus, solà Hypermnesta, filiarum maximâ, marito, cui nomen Lynceus, parcente; is qui deinde Danao expulso apud Argos regnavit. Ob scelus tam impium, tam immane, apud inferos eo supplicii genere perpetuò damnatae sunt, ut aquam vase perforato haurire cogantur è puto, vel, quod idem est, implere dolium rimosum, è quo tantundem semper effluat, quantum infunditur.

## Ethica.

Multiplex hinc doctrina. Primo Dolium Danaidum perfluens indicat, beneficia in ingratis non conferenda. Effluit è memoria, è grata mentis recordatione, & agnitione gratiæ, quidquid infundas. 2. Parentes in iis, quæ adversus Déum sunt, non esse audiendos. Impietas hic est, pium esse. Belides magis attendere debabant, quid pacta, quid jura conjugalia & fides data, ac natura ipsa postularer, quam quid odia genitoris, tanto constantia, exigent. 3. Avaris aut prodigiis nihil esse sat. Inexplebilis est auri sitis; si Pactolum, Tagum, Hebrum auriflua bibat flumina, nunquam dicet: sufficit! Et qui semel sua per luxum profundere

(d) *Beneficia ingratis collata.*

fundere cœpit , quidquid hauserit , exhaustet . 4. Garrulis accommodatur , qui ut est apud Comicum : pleni rimarum , bac , illacque diffundunt . 5. Denotatur perfidia muliebris . Verè Menander

Πολλῶν κατά γυν , καὶ θαλασσῶν θογλων  
Οὐτῶν , μέγιστον ἔστι θυγλων γυνῶν .

Tot cùm mari , terraque sint passim feræ ,  
Fera omnium ipsa maxima extat femina .

Ecclesiasticus monet . c. 26 . *Qui tenet mulierem nequam , quasi qui apprehendit scorpionem .* Primò , quia solus inter insecta scorpius longo spiculo armatur , & brachia quinque bisulcis dentata forcipibus habet , ait Aristoteles lib . 4. de historia animal . c. 7. Ita mulier nequam , virulentæ linguæ spiculo armatur , brachiisque habet dentata , quibus maritum apprehendat , lacescat , vexet . 2. Scorpius pestilentissimus est & exitialis . Mulier nequam assidue virum cruciat , & lenta morte conficit . 3. Scorpius ictu ferit obliquo & inflexo : Mulier dum blanditur , venenat . Josephus lib . 5. Antiq . c. 17. scribit , Samsonem , cùm suum ænigma de leone & ape Philistæis à Dalila proditum cognovisset , exclamasse : *Nihil est dolosus feminâ .* Et Poëta :

Sidera non tot habet cælum , non flumina pisces ,  
Quot scelerata gerit femina mente dolos .

Et alius :

Ah crudele genus , nec fidum femina nomen !

Franciscus Petrarcha dial . 65. conqueritur : Nempe etiam illustrium multi , dolo conjugum periere . Sileo Danai truces & cruentas nuptias & infamem noctem , miseramque tot juvenum stragem . Confirmant hoc exempla , ex plurimis pauca adferam . Redeuntem ab expeditione Trojana Agamemnonem Clytemnestra uxor interfecit . Ninum Semiramis comprehendi , & interimi jussit . Alexandrum Pheræum Thessalia Regem , Thebe uxor dormientem jugulavit . Antiochum Syriæ Regem Laodice veneno sustulit . Antoninum Verum Imp . Lucilla eodem mortis genere peremis . Idem Agrippina fecit , Tiberium Claudium , Principem è medio tollendo . In ipsis castris Alexandri Spitamenem quandam barbarorum ducem , somno & vino sepultum conjux è vita exturbavit . Propius ad Danaidas accedit , quod Volaterranus refert , Albinam quandam Syriæ Regis filiam duas & triginta habuisse sorores , quæ totidem maritos interfecerunt : expulsasque propterea à patre , venisse in Britanniam , & nomine Albinæ insulam vocâsse Albionem . I nunc , & securitatem tibi à feminis , vel de nocte promitte .

SYM-